

Broj: 03-14-463/2015
Sarajevo, 18.12.2015. godine

**PARLAMENT FEDERACIJE
BOSNE I HERCEGOVINE**

PRIMLJENO: 21-12-2015				
Organizacija	Klasif. grupa	Broj i godina	Vrijednost	Priloga
01-	14-	1882/15		

- Predstavnički/Zastupnički dom
gosp. Edin Mušić, predsjedavajući

- Dom naroda –
gđa. Lidija Bradara, predsjedavajuća

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO


50x

Primljeno: 21-12-2015			
Org. jed.	Broj	Priloga	Vrijednost
02-	14-	1882	15

Poštovani,

Na osnovu člana 30. stav 2. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH" br. 86/07, 24/09 i 44/10), radi informiranja, dostavljam **IZVJEŠTAJ O ZADUŽENJU FEDERACIJE BOSNE I HERCEGOVINE PO OSNOVU EMISIJE OBVEZNICA NA DAN 08.12.2015. GODINE**, koji je Vlada Federacije Bosne i Hercegovine usvojila na 34. sjednici, održanoj 16.12.2015. godine.

S poštovanjem,



PREMIJER

Fadil Novalić

Prilog: kao u tekstu

IZVJEŠTAJ

O ZADUŽENJU FEDERACIJE BOSNE I HERCEGOVINE PO OSNOVU EMISIJE OBVEZNICA

Zakonom o izvršenju Proračuna Federacije Bosne i Hercegovine za 2015. godinu (Službene novine FBiH broj: 25/15), na poziciji Financiranje – Primici od dugoročnih obveznica, planirano je zaduženje u iznosu od 110.000.000,00 KM čija realizacija je planirana putem emisije obveznica. Odlukom o izmjenama i dopunama Proračuna Federacije BiH za 2015. godinu, (Službene novine FBiH broj: 86/15) prvobitno planirani primici od MMF-a u iznosu od 200 miliona KM, zamijenjeni su dugoročnim domaćim zaduženjem u ekvivalentnom iznosu.

Vlada Federacije Bosne i Hercegovine je na svojoj 45. sjednici održanoj 05.04.2012. godine donijela Odluku o uvjetima i procedurama emisije obveznica Federacije Bosne i Hercegovine (Službene novine FBiH broj: 31/12). Tačkom III stav 1. naprijed navedene odluke propisano je da se emisija obveznica Federacije vrši prema dinamici, obimu, uvjetima i na način utvrđen odlukom o emisiji iz tačke II stav 1. iste odluke koju donosi Vlada Federacije Bosne i Hercegovine.

U vezi sa naprijed navedenim Vlada Federacije Bosne i Hercegovine je na 30. sjednici održanoj 13.11.2015. godine donijela Odluku o zaduženju Federacije Bosne i Hercegovine putem emisije obveznica Federacije Bosne i Hercegovine V. Broj 1525/2015 (Službene novine FBiH broj: 88/15), putem koje se odobrava zaduženje Federacije Bosne i Hercegovine putem emisije obveznica radi prikupljanja sredstava za financiranje izdataka utvrđenih Proračunom Federacije Bosne i Hercegovine za 2015. godinu u nominalnom iznosu od 70.000.000,00 KM sa rokom dospjeća od 7 (sedam) godina.

Dana 19.11.2015. godine objavljen je Javni poziv za učestvovanje u emisiji obveznica Federacije Bosne i Hercegovine putem aukcije na sarajevskoj berzi-burzi vrijednosnih papira, kojim su pozvana sva zainteresovana fizička i pravna lica da učestvuju na aukciji obveznica Federacije Bosne i Hercegovine.

Aukcija obveznica Federacije Bosne i Hercegovine održana je 26.11.2015. godine, čime je Federacija Bosne i Hercegovine ponudila 70.000 obveznica nominalne vrijednosti 1.000,00 KM po obveznici, (što ukupno iznosi 70.000.000,00 KM), sa rokom dospjeća od 7 (sedam) godina, putem metoda aukcije sa formatom višestruke cijene.

Za vrijeme trajanja aukcije ukupno je pristiglo 45 ponuda za kupovinu 132.100 obveznica u ukupnom iznosu od 132.100.000,00 KM.

Prihvaćena je 21 ponuda za kupovinu obveznica putem kojih je prodano 70.000 obveznica ukupne nominalne vrijednosti 70.000.000,00 KM, što predstavlja 100% planiranog obima emisije.

Najviša prihvaćena cijena iznosila je 103,4760 uz kamatnu stopu 3,29% a najniža prihvaćena cijena iznosila je 97,3636 uz kamatnu stopu 4,29%. Obveznice su prodane po prosječnoj ponderisanoj prihvaćenoj cijeni od 99,7188 odnosno prosječno ponderisanoj kamatnoj stopi od 3,899% na godišnjem nivou.

Ukupan iznos prikupljenih sredstava putem emisije obveznica iznosi 69.803.170,80 KM.

Obveznice dospijevaju na naplatu 27.11.2022. godine.

Udio pojedinih sektora u ukupnom iznosu emisije iznosi :

Sektor osiguranja	32,25%
Bankarski sektor	66,29%
Investicijski fondovi	1,46%

Na dan poravnjanja 27.11.2015. godine na osnovu izvršene emisije na Posebnom privremenom transakcijskom računu Federacije BiH otvorenom kod UniCredit bank d.d. Sarajevo broj: 338-690-224-962-5182, uplaćeno je 69.803.170,80 KM.

Imajući u vidu navedeno, Vlada Federacije Bosne i Hercegovine donosi sljedeći Zaključak:

GOVERNMENT

Na osnovu člana 19. stav (4) Zakona o Vladi Federacije Bosne i Hercegovine ("Službene novine Federacije BiH" br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na 34. sjednici, održanoj 16.12.2015. godine, donosi

ZAKLJUČAK

1. Usvaja se Izvještaj o zaduženju Federacije Bosne i Hercegovine po osnovu emisije obveznica na dan 08.12.2015. godine.
2. Izvještaj iz tačke 1. ovog zaključka uputit će se Parlamentu Federacije Bosne i Hercegovine radi informiranja.
3. Ovaj zaključak stupa na snagu danom donošenja.

V. broj: 1579/2015
16.12.2015. godine
Sarajevo

